

61591/P

DISPUTATIO MEDICA

IN AUGURALIS,

DE

EPILEPSIA.

QUAM,

ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, S. S. T. P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

JOSEPHUS GODWIN,

VIRGINIENSIS.

Prid. Id. Junios, hora locoque solitis.

EDINBURGI:

Apud BALFOUR, AULD, et SMELLIE,

Academiae Typographos.

M,DCC,LXIX



316837

FRANCISCO HOME, M. D.

MATERIAE MEDICAE ET MEDICINAE,

IN ALMA ACADEMIA EDINENSI,

PROFESSORI,

VIRO INGENIO, LITERIS,

PROPRIAE ARTIS PERITIA, ET

HUMANITATE, NEMINI SECUNDO;

CUM OB DOCTRINAM QUA SE PRAECEPTOR

IMBUIT,

TUM PROPTER BENEFICIA QUIBUS

AMICUS SE DIGNATUS EST;

HOC PRIMUM STUDIORUM PROPECTUS

EXEMPLUM GRATO ANIMO ET

STUDIO VERO

D. D. C.

JOSEPHUS GODWIN.



Digitized by the Internet Archive
in 2018 with funding from
Wellcome Library

<https://archive.org/details/b30355254>

TENTAMEN MEDICUM

D E

E P I L E P S I A.

MORBUM de quo scripturus sum, Graeci plerique, ut et recentiores fere omnes, epilepsiam; alii *μεγαν* alii *ισρον*, alii hoc Latine reddentes sacrum; alii caducum, alii herculeum, alii comitalem, alii lunaticum, alii fonticum, infantilem alii, alii aliter adpellarunt. Nobis epilepsia vocabulum, quia inter praesentes medicos usitatius id est, potius esse et reliquis anteponendum videtur.

D E F I N I T I O.

EPILEPSIA est morbus in convulsione consistens, per circuitus rediens, membra variis et miris modis concutiens, et omnes sensus,
omnes

omnes animi facultates, pro tempore penitus extinguens.

HISTORIA.

Sic definita epilepsia, proximum est, historiam ejus pertexere, quae sit morbi facies exponere, et omnia, quae in eo adparent, quo illustrior et clarior ejus natura sit, plenius percurrere. Cum autem, ut dictum est, morbus circuitus habet, et accessionem vicinam haud pauca praenuncient, ex his rectius incipere videtur.

ACCESSIONE appropinquante, primum omnium caput affici solet, idem gravari, et vertigine circumrapi sentiri; vultus tumere, interdum pallere; scintillant oculi; quorum album saepe rubra macula, magis atque magis ad justam usque accessionem crescente et latius serpente, distinguitur; eorundem intenditur acies; visus obscuratur, et globulorum igneorum aut formarum rerum exilium simulacris eluditur; aliquando omnino perit. Iris purpureum, nigrum, varium colorem induit. Tinniunt aures; aegre auditur; ingrati odores et sapes sentiuntur. Voces justo vel tardiores vel celeriores profusa saliva mittuntur.

tur. Colli venae distenduntur. Postremo omnes sensus deficiunt. Neque partes, quae infra sunt, noxae immunes permanent, sed mixtis malis cum aliis morbis spasmodicis, et prae caeteris hysteria aut hypochondriasi communibus, alios homines aliter adficientibus, et faciem aliter atque aliter mutantibus, premuntur. Itaque locus inter scapulas dolet, aut etiam convellitur. Venter introrsum retrahitur. Tendines subfiliunt, cor et omnia membra tremunt, oscitatio et spiritus difficilis urgent. Extrema frigescunt. Tenditur praeter naturam coles. Ab hypochondriis, ab extremis aut imis partibus aerae cujusdam aut vaporis calidi, superiora et summa adscendentis, sensus saepe percipitur. Quin et excretiones perturbantur: Nam, praeter salivam, ut modo dictum est, profusam, alvus foetida et male olentia reddit. Urina cruda et justo copiosior effertur.

PER immunda somnia semen noctu rejicitur. Ad haec praecordia saepenumero inflantur. Venter intumescit obmurmuratque; cibi vel plus vel minus justo desiderantur. Alii iracundia excientur; alii moestitia aut formidine deprimuntur; alii anxiiis curis distrahuntur; alii gaudio, risu inepto, et cachinnis immanibus efferuntur; alii harum omni-

um

um affectionum intra breve temporis punctum vices percurrunt. Somnus vel iusto profundior, vel e contrario vigiliae vicinus horrendas rerum imagines aegro animo objicit. Neque dirus incubus non subinde suos terrores addit.

QUIBUS malis usque crescentibus, accessio tandem incidit. Quo facto, homo repente, omnibus sensibus et animi facultatibus deletis, cum gemitu prostrernitur. Convulsiones indomitae universa corporis obtinent; musculos vultus, qui in omnes facies varie contorti, nunc hos, nunc illos animi sensus, dolorem, gaudium, iram, amorem, et similia exprimere videntur; maxillas adeo concurrentes, ut dentium stridorem semper, aliquando ut hi praefringantur, efficiunt; linguam immobiliter exertam, et cujus pars interdum collisis dentibus praecidatur; vultum, quem livor nigredini vicinus a labiis et sinibus oculis subjectis incipiens totum, mox suffundit; palpebras, diris modis commotas, sed nunquam ita conclusas quin album adpareat; os, quod, initio praevalente spasmō, siccum est, postea, hoc necdum soluto, salivam solam effundit; pulmones spiritum aegre, laboriose, et onera tollentium aut magnis viribus enitentium instar, peragentes; postremo, pollices in cavam
manum

manum inflexos. Neque cordis et arteriarum vires labis expertes reperiuntur, quorum saepe percussus primum citi et parvi, mox magni et tardi, sed sine valida vi, iidem obscuri plerumque quosque vix explores sunt, iusto ordine semper carentes. Denique, vultus venae, item pectus et venter, intumescunt. Postremo, hic quoque excretiones perturbantur; nam pro saliva, quae ante profusa est, spuma nunc bullulans ore volvitur. Item stercus, urina, ardente corpore sudor et semen resoluta naturae vi, sponte efferuntur. Neque vomitus non aliquando incidit.

TANDEM tanta malorum vis paulatim decedit. Jamque non mortis amplius aut conditionis moribundae imago, sed somnus, ut integrior, ita nondum fatis integer, quin apoplecticum referat, rursus demum redit. Facilior fit spiritus. Et interposita mora, omnium quae passus sit immemor, ad sese homo redit. Pauci sensuum aut valetudinis integritatem protinus, soluta accessione, adipiscuntur. Plerosque artuum omnium cum torpore languor, animi stupor, dolor capitis, oculorum hebetudo et caligo, aliquantum temporis aegre atque moleste habent. Temporum accessionibus interpositorum spatia admodum inaequalia sunt; aliis in dies aut eodem die saepius in morbum,

morbum, aliis post singulos menses, aut multo saepe longius, solum implicatis; ut ne in eodem quidem homine ordo circuituum sibi constare aut idem esse deprehendatur. Neque accessionis tempora minus inaequalia sunt, plerisque pauca minuta, nonnullis totos dies, conflictantibus *.

MORBI SEDES.

SUPRA comprehensa, originem morbi in cerebro consistere, eoque omnes causas remotas dirigi, omnia demonstrant. Quid enim aliud signa plenitudinis capitis primum omnium prodeuntia tanto magis, quanto propius instat accessio, incrementa sensibus omnibus, animique facultatibus pro rata parte officientia, et haec in plena accessione penitus demum delentia, nisi vitae sedem, corporis et animi actionum fontem, laborare significant? Porro, genus affectus, quo premitur cerebrum in pleno aut turgelcente hujus habitu plerumque constare, cum ex iisdem signis discendum est, tum de effectu causarum remotarum jam di-

* Apud Lieut. lib. 3. cbs. 476. unus adolescens 5 dies integros sensibus et motu privatus, periit.

cenda, et argumenta ex visis in cadaveribus, et aliunde tracta, ut spero, verisimile reddent. Quod ad signa attinet; quid capitis gravitas, ejus tanquam vertigo, quid vultus tumor, quid oculi scintillantes, quid rubra in oculorum albo macula latius serpens quo propius accessio adest, quid erecta et intenta eorum acies, quid denique igneorum globulorum iisdem objectae imagines et similia, quaeso; postremo, quid vultus venae in media ipsa accessione turgentes, si non turgere quoque cerebrum, ostendunt? Ad haec accedit, quod iis ipsis praecedentibus morbum qui paulo sit diuturnior, si non semper, tamen longe saepissime oriri, vix quisquam dixerit; quod si exempla contrarii argumenti postmodo cernentur, ea haud difficile explicare, ratione nervosae doctrinae habita, poterunt.

SED priusquam ad sedem morbi ex visis in cadaveribus constituendam procedatur, quibus finibus et terminis nostra morbi notio continueatur definiendum est.

Morbum vix unquam sympatheticum, plerumque vel idiopathicum vel hysteropathicum esse.

NONNULLI medici, ut complures alios morbos,

bos, ita hunc quoque, in idiopathicum de quo loquimur et sympathicum, diducunt. Itaque LIEUT. lib 2. obs. 266. "Quidam, inquit, asthmaticus per plures annos fere semper decumbens, statis horis omni carens spirandi difficultate, tandem inter graviolem insultum fato concessit. Pulmo dexter calculis miliaribus scatens, aquae citrinae copiosissime innatabat." Is insultus a SHENKIO, unde observatio tracta est, epilepticus fuisse, hominem peremisse, et pro sympatheticae epilepsiae exemplo habendus esse, dicitur. Quae opinio temeraria mihi videtur; si quidem ipse ejus auctor, qui non etiam cerebrum incisum exploravit, nihil illic aquae suffusum, nec oppresso cerebro morbum natum, ne quidem dixerit. Neque verisimilius quicquam est, quam sanguinis per pulmonem iter impeditum effusae in cerebrum aquae causam extitisse, atque, ut alios, ita hunc morbum effecisse. Item BONNETUS, ut apud eundem LIEUT. libro. 2. obs. 160. videre est, "puellam vix annum natam, diarrhoea, vomitu, et hypochondrii dextri duritie, febricula, siti, et capitis dolore conflictantem, noctes insomnes egisse, et, epilepsia superveniente, e medio sublatam esse, tradit. Verum haec etiam, minus quam illa quae modo memorata est, sympathetica epilepsia fuit; siquidem

liquidem, inciso mortuae cadavere, praeter alia viscerum vitia, cerebrum aqua inundare repertum est. Haec igitur epilepsiae ab aliis morbis illatae exempla sunt, neque nostram movent opinionem. Nam, licet cerebrum non ante petatum sit, tamen epilepticum nihil, nisi eo jam adfectus particeps, adparuit. Estque hoc genus non idiopathicum quidem, sed iustriopathicum, cuiusque curatio nihil idiopathicae differt, nisi quod morbus, qui cerebri labis in causa fuerit, simul sit tollendus. Quin et cavendum, ne alii morbi, cum epilepsia casu incidentes, pro ejus causa habeantur. Itaque alibi apud LIEUTODIUM, supra relatam virum, epilepsia pulmones inflammatos secuta esse videretur. Nam et tussis sicca fuit, et, inciso postea cadavere, inflammationis signa apparuerunt. Sed haec pro sympathetica epilepsia non est habenda; quoniam ipsius cerebri abscessus fuit. Duosque morbos, pulmonum et cerebri simul, et casu tantum incidisse manifestum est. Non tamen dissimulandum est, talem epilepsiam, qualis sympathetica appellatur, incidere quidem posse. Et, praeterquam quod id fieri potest, revera factum, observatio 1668 primo libro ejusdem quem retuli scriptoris, a LA MOTTE Gallo petita, haud obscure docet. Ubi puellae epilepsia mortu-

ae inspectum cerebrum nihil praeter naturam ostendit; in pelve renis dextri calculus triquetus, quinque drachmas pendens, inventus est. Qui, praeter insolitam magnitudinem, diu permanendo et per consensum cerebrum adficiendo, fecisse morbum videatur. Nonne tamen cerebrum, cujus ultima fabrica nostros oculos quavis arte adjutos penitus fugit, vitari, latente nos vitio, suspicandum est? Verum etiam, epilepsia, nisi a cerebri vitio orta, quia non solum anceps et rara est, sed sublatis a quibus pendet morbis curanda, a nostro proposito aliena est, de vera epilepsia in cerebri vitio consistente solum dicturis; ideoque tam idiopathicam quam hysteropathicam comprehensuris. Quam quidem in cerebri turgente aut pleno habitu plerumque consistere, ut eo unde abii redeam, ut supra dictum est, in cadaveribus visa et causae remotae demonstrant.

Ad quod probandum, primum de causis remotis, quas in pleno cerebri habitu consistentes experimenta in clariore lumine posuerunt, verba faciam; post quod, an contrarius aut alius cerebri status eundem morbum inferat, anquiram. Causae autem quas nunc adgredior intra ipsum cerebrum consistunt, et partim proprie remotae, seu principia Gaubiana,

Gaubiana, partim occasionem noxae offerentes, seu ejusdem viri potestates nocentes sunt.

Causae remotae in ipso Cerebro excitantes.

CAUSAE remotae, sic latius comprehensae, hujus morbi, quae pleniorum habitum designant, ad sex capita redeunt; quae, ut postea spero adparebit, in unam, si non constituentem et ultimam, saltem praecipuam et maxime communem, morbi causam coibunt. Primi sunt stimuli mechanici; alteri chemici; deinde sanguinis circuitum aut pervios generis nervosi usus intercipientia aut comprimentia; tum vasa nimio sanguine repleta; vasis denique hic effusus; postremo iisdem serum effusum.

I. Quod ad primum caput attinet, stimulos varios, quales sunt teli quo vulnus inflictum sit fragmenta, cranii fracti particulae, aut hoc ipsum intro pressum naturave angustius *, ab eodem excrefcentia ossea †, meninges in cartilagineam circa sinus venosos ‡, aut osseam ||, naturam

* Tho. Barth. 67. cent. 4. misc. N. C. D. I. A. W. A. V. obs. 35. Boerh. morb. nerv. tom. 2. p. 795. Idem ex Ballom. refert. Apud eundem ob angusta matris naturalia caput partus compressum postea epilepsiae causa fuit. Boer. lib. c. 4. p. 794.

† Van. Swiet. loc. citat.

‡ Tho. Barth loc. citat.

|| Lieut. lib. 3. ob. 48. et 50.

naturam converſae; quicquid denique ad cerebrum irritandum valet, epilepſiam facere conſtat. Ex quibus, quia quaedam ſine ſeminio aut habitu epilepſiae opportuno hanc inferunt, neque conſtanter in omnibus hominibus idem effectum praefant; ideo morbum magis ſtimuli propriae actioni et parti cerebri ſtimulatae, quam abſolutae ejus poteſtati, deberi opinor.

II. NEQUE minus ad idem effectum ſtimuli chemici valent. Itaque meningem *, aut ipſius cerebri † ſuppurationem et abſceſſum ‡ aut cranii cariem ||, acrem et erodentem materiam § gignentia, item venena **, epilepſiae cauſam fuiſſe, infinita teſtimonia ſunt. Neque tamen haec ſola acri natura, ut vulgo credi ſolitum eſt, perpetuo agere videntur; ſiquidem citati ad cerebrum ſanguinis aut inflammationis habitus effecta eſſe plerumque cernuntur. Nam diu poſt epilepſiam natam ſaepe non incidunt; ubi tamen ſanguinis ſurſum impetus aut inflammationis notae non defuerant ††.

* id lib. 3 ob 17. 18.

† Fernel. pathol. 1. 5 c. 3. 20.

‡ Lieut. lib. relat. obſ. 106. ex Boder. 118. 16*. 528.

534.

|| Id lib. 4. 27.

§ Van. Swiet. loc. cit. p. 419.

** Cicutam aquatic. Eph. N. C. D. 2. A. p. 225

†† Culleni praelect. clinic.

III. AD tertium caput pertinent fungosi durive tumores, item varia ad cerebrum congesta, et ex duobus prioribus capitibus quicquid neque stimulat neque partis naturam commutat; quale est partium, quae natura molliores sunt, praeter hanc in osseam duri-
 tiem conversarum compressio. Itaque in Actis Parisiensibus, corpus quoddam glandulosum, fabae circiter magnitudinis, in corpore striato dextro situm *, hominem adolescentem epilepsia, et varia sarcomata, cerebri involucris adnata, complures † adfecisse, in Miscelaneis Curiosorum, legimus. Hic autem monendum est, ossea excrescentia, quae ad stimulantibus aut excitantibus causas supra retuli, posse interdum stimulo carere; quod ubi fit, pro comprimentibus habenda sunt, et ad hanc partem referenda ‡. Eaedem sunt quoque apoplexiae aut paralyseos epilepsiam saepe sequentium, saepe in eam simul coincidentium, causae communes. Compressio igitur quae in illis morbis cerebri collapsum, seu conditionem parum excitatam, in hoc reactionem aut motum resuscitatum, creare videtur.

Utut

* Lieut. lib. relat. obs. 221.

† Ibid. 224.

‡ Cull. praelect. pract.

Utut hoc fit, dubium certe non est, quin epilepsia, quoties apoplexiam hydropicam praecedit, in collapsu consistat.

IV. QUARTAM epilepsiae causam, vasa sanguine abundantia posuimus. Quod genus in duas porro partes discedit. Nam et parvae arteriae sanguine, quae prioris inflammationis nota est, turgescunt *, et epilepsiam inferunt. Ad quam partem multa convulsionum exempla pertinere, et pro vera epilepsia habenda esse, videntur. Altera pars est, ubi non in exiguis arteriis, ac vix in majoribus quidem, sed in cerebri venis, sanguis stagnans coit.† Verum hujus causae exempla vix ab ea quae sequitur, atque a novissima, quippe ubi vel sanguis ‡ vel ferum || extra vasa ruisse, incisis cadaveribus, reperta sint, bene segregantur.

V. ERGO, ut ad quintam causarum remotarum caput properetur, sanguinem vasis effusum hujus morbi originem esse, non desunt millia documenta §; sed, ut modo dixi, nunc cum quarto, de quo modo dictum est, nunc cum
tertio

* Lieut. lib. cit. obs. 280, 282.

† Id. 173, 243, 272. et in aliis locis.

‡ Id. 243, 280.

|| Id. 376, 377.

§ Id. 235, 236, 243, &c.

tertio capite conjunctam. Nam, in plerisque quae incis cadaveribus visa sunt, simul sanguis vasis intus abundare, simul extra eadem erravisse deprehensus est; et in nonnullis compri-
mentia, ut tumores et similia, non defuerant.

VII. PORRO sextum caput, quod serum effusum pro epilepsiae causa statuit, nunc cum quinto, nunc cum quarto, saepe cum utroque, aliquando cum tertio, aut omnibus his conjungitur *. Sub sero materiam gelatinosam, et omnes humores sine colore qui sunt, comprehendo. Illam autem serum esse, humor per vesicatoria eductus, gelatinam saepe referens, ostendit. Hujusmodi humor modo inter membranas cerebri †, modo in ipsum hoc infra membranam, quae pia mater dicitur ‡, modo in ventriculos effunditur, modo per totum cerebrum, et in medullosa et in corticali parte diffunditur. Estque ubi pustulis quoque || concluditur. Idem modo sanguine aut hoc grumoso tinctus §, modo in puri seri aut aquae forma **, modo

* Exempla tertii, 4ti, 5ti, et 6ti apud. Lieut. lib. 3. obs. 266.

† Ibid. obs. 236. ‡ 454, 480, 482.

|| Lieut. ibid. 454.

§ 266. ** 236.

do nigri aut subviridis coloris *, modo gelatinosus crassus et albescens †, modo praeter crassitudinem lymphae instar mucosus ‡, modo perquam viscidus et tenax quasi gypseus, ||, aliisque in aliis cadaveribus, reperitur. Interdum ad viscidam naturam adipis § aut pituitae concretae ** similitudo quaedam accedit. Ad haec capita omnes fere causae cum epilepsia diuturniore conjunctae pertinent.

Quomodo hae causae in communioem coeant.

Quae causae, licet natura et agendi ratione discrepare videantur; tamen, si non in unam eandemque causam proximam coeant, ad unam communem et frequentius incidentem haud ambigue ducunt. Quod dictum quo magis illustrem, a quintae partis causis initium faciam. Eae omnes perniciem semper plerumque apoplexia illata trahunt. Neque tamen hic non est monendum, in contemplatione cadaverum incisorum, saepe effecta pro causis fallere. Quorum utique hic usus, ut ad veras causas ducant; perinde ac in hac re. Epilepsia

* 376. 398. 399. † 476. ‡ 480. || 401.
§ 491 ** 492.

pilepsiae enim quae totos annos permanserit origo sanguis effusus esse nequit. Est igitur effectus, ad causas quarti capitis, scilicet vel sanguinem in arteriis citatum, vel in venis stagnantem, quasi filo investigantes, regens. Causa vero, quarto loco comprehensa, satis frequenter epilepsiam diuturniorem gignere, eo judico; primum, quod inciso cerebro vasa hujus vel turgida esse, vel, quod ejusdem rei effectus est, sanguinem effudisse, frequentius reperiuntur *; dein quod causae procatarticae maxime communes, quales sunt phrenitis †, ira vasa cerebri sua natura adimplens ‡, calor sive solis sive alius ||, motus §, exercitatio insolita **, crapula ††, venus ‡‡, postremo consueta omnium generum profluvia suppressa ||||, plenum cerebri habitum ideoque quartum causarum caput saepissime subesse, omnia confirmant. Postremo, eandem rem curatio epilepsiae longe frequentissima confirmat, quae multo saepius humoris detractio, quam ulla alia ratione perficitur §§. Quam rem MORGAG-

C

NIUS

* Apud Lieut. et Morgan. passim.

† Bonet.

lib. 2. p. 283.

‡ Cull. praelect. clin.

|| id.

loc. relat. Hippoc. de morb. sacr. ch. tom. 10. p. 482.

§ id. loc. citat.

** Cull. loc. rel.

†† Shenk, p.

101. Cull. loc. relat.

‡‡ Van. Swiet. lib. cit. p. 412.

|||| Cull. loc. rel.

§§ Cull. loc. relat.

NIUS, de epilepsiae exemplo in effusione consistente et in apoplexiam converso, loquens, bene illustrat. ALBERTINUS, ejus praeceptor, eo teste, adeo a capitis epilepticorum habitu turgente metuebat, ut plerosque suae curae commissos, nullo stimulo, ne falis quidem cornu cervi, vel in media accessione, naribus admoti, tractaverit. Ergo quantum et quintum epilepsiae exemplum, saltem ita in unam originem morbi coeunt, ut hanc plenum et turgens sanguine cerebrum esse demonstrent. Neque causa sexto capite relata in epilepsiis diuturnioribus, ab iis de quibus dictum est, diversa esse plerumque censenda est. Serum enim effusum pariter ac sanguinem, si diligentius attendas, et plurima experimenta consulas, non pro causa sed causae effectui habebis; idem porro ad eandem originem, scilicet cerebri habitum, jam ante sanguine turgentem, retro ducit. Quoties autem serum in ullo corporis loco vasis effusum est, causam ad sanguinis venosi impedimenta rejicere licebit, et in cerebro etiam magis, ubi per venas solas resorptio perficitur. Itaque sanguis arteriosus impeditus in vasa serosa justo copiosior effertur. Quin et idem fieri potest, ubi in arteriis sanguis citatur; id quod multarum inflammationum alibi, et phrenitidis

dis in cerebro, exempla edocent. Item vulnerato aut contuso cerebro, aqua effundi solet, ut apud LIEUTODIUM videre est. VALSALVA sanguinem simul, simul serum effusa, in epilepsia perempto, et turgidum cerebri statum deprehendit. Reque vera pleraque sanguinis effusi exempla feri quoque effusi sunt *. Mulier quaedam, cujus idem mentionem facit, ex haemoptoe in epilepsiam exitialem incidit. Cadavere inciso, vasa cerebri turgebant, effusoque sero omnia madebant. Verique simile est, habitum haemorrhagicum, qui ei in pulmonibus fuerat, nescio qua causa in cerebrum esse translatum, et mortis causam deinde extitisse. Postremo, vix dubium est, quin feri vasis cerebri effusi, ubi nulla hydropis suspicio subest, e turgescente aut citato per eadem vasa sanguine, pendeat origo. Ergo quarta, quinta, et sexta causarum divisiones in unam omnibus communem conditionem conveniunt, et morbum ab ea pendere demonstrant. Porro, sine eadem aut consimili conditione, stimulos epilepsiam diuturniorem vix dare, hinc apparet; quod non semper sed diversis circuitibus agunt, licet semper ipsi subsint. Neque manifestius quicquam est, quam nihil posse totam causam esse, quod non solum et sine auxilio effectum edit. Meninges offeas saepe epilepsia, longe tamen

* Cull, prael. clin. Lieut. lib. 3. obs. 376. 377.

tamen saepius non, subsequitur *; et ubi sequitur, et ab illis excitata videatur, id non nisi interpositis intervallis efficit, ut facile alia causa opus esse, videas. Quam eandem ac modo memoratam esse, scilicet plenum cerebri vasorum habitum, tam signa morbi quam curatio evincunt. In Actis academiae scientiarum, inciso epilepsia perempti cadavere, meninges in ossea angulosa acuminata versae repertae sunt. Cujus morbi intervalla fuisse, curationem, largas humorum detractiones, memoriae proditur. Quinetiam quicquid stimulus ad epilepsiam faciendam valeat, id in sanguinem ad cerebrum citando, et statum vasorum hujus inflammatum aut turgescens inferendo, consistere verisimile est. Ergo ratio, qua ipsi stimuli agunt, in plenitudine constare videtur. Quod autem non semper agunt, id fit, quia cerebrum non semper attingunt. Quod qua ratione fiat, nostram accipe conjecturam. Cerebrum in illos impelli potest, illi in hoc nequeunt. Sanguis in vasa ejus congestus haec distendit; quae distensio totam cerebri molem adauget; quod, in stimulorum contactum ruens, epilepsiam demum efficit. Quae sic excitata commota vulgo dicitur. Quod ad secundum caput attinet,

* Cull prael. clin.

net, acrem materiae, quoties vere subest, naturam posse noxam et sine plenitudine efficere, haud eo inficias. Verumenimvero, acris materia tamdiu permanere nequit, dum epilepsiam diuturnam efficiat; aut, si quando in diuturniore morbo reperitur, effectus morbi, non causa esse, habenda est. Sanguinis autem ad cerebrum citati, aut inflammationis, causas plerumque sequitur *. Confer autem hoc cum tertio causarum capite. Dubium non est, quin iners doloris expers moles, cerebri spatium occupando, epilepsiae haud raro sit origo. Cujus utique effectus diverse explicatus est. Verum, ut rationes vitem, impedimenta talia, resistendo stimulare, sanguinem per libera vasa, ob callosam duritiem transeuntem percitare, et sic turgescientem et plenum cerebri habitum, ideoque epilepsiam, creare posse videntur. Secundum igitur et tertium causarum caput huc redeunt, ut si non recta, effectu tamen et eventu, turgida cerebri vasa reddant et epilepsiam efficiant. Itaque MORGAGNIUS tensionem talem his inductam epilepsiae frequentem originem ponit. Ergo, quod evincere ab initio volui, haud obscure sequi videtur: Scilicet plenum turgentemve vasorum cerebri statum, si non sola est, esse praecipuam et longe saepius incidentem epilepsiae causam,

* Cull. prael. clin.

causam, quae vel per se absoluta sit, vel, occasione oblata, morbum simul inferat. Atque hae omnes causae intra caput consistunt. Nunc ad eas, quae in alias partes prius, deinde in cerebrum, agunt, transeundum est.

Causae remotae extra cranium, etiam excitando cerebro, agentes.

EARUM primae sunt validi impulsus, qui non specie, sed vi agendi aut sensibus reflexis excitandis, agunt. E quibus utique odores excipiuntur, qui propria quidem vi speciatim morbum faciunt *. Reliqui sensus communi omnibus potestate in vi posita ita nocent, ut qui sensus, modo valide satis agat, nihil referat.

ITAQUE cujusvis partis dolor epilepsiam facere potest. Quod quidem effectum, vehementiae causae partem distendente, et acutum doloris sensum excitante, explicabile est. Neque tamen celandum est, multa irritamenta epilepsiam, ubi neque doloris nec tensionis modus par sit effecto, concitare; id quod, in dentitione puerili, ac multo etiam certius in

* Cull. prael. Clin,

calculis aut vermibus aetate teneros adficien-
tibus, evenit, ubi nullus aut perexiguus dolor
ad epilepsiam faciendam saepenumero satis
valet *. Neque dixisse ausim, sitne hoc par-
tis irritatae naturae, an impulsus rationi,
tribuendum. Metus haud dubio certo modo
agens imprimis sedat reprimisque. Verum,
cum idem alia modo agens manifesto stimulet,
quantenus id efficiat, haud dubito ejus effecta
cerebri vasa replentibus adnumerare; eoque
magis quod etiam haec metus natura esse vide-
tur, ut, licet alibi sedet, alibi tamen stimulet;
quae stimulans ejus vis in cerebrum praecipue
converti percipitur; id quod non signa circa
caput plenitudinis solum, sed et curatio epi-
leptiarum metu natarum, per humoris de-
tractionem, documento sunt. Itaque, ut alia
exempla omittam, puer quidam nauticus, qui
maximum naufragii periculum adierat, epi-
lepticus factus, CULLENO curandus, in Nofo-
comion nostrum venit. Ei, ante unamquam-
que curationem, caput cum ruboro intumuit;
in altero oculo macula ad tempus usque justae
accessionis latius rubescens apparuit; curatio
sola efficacior abstinencia et detractio fuit.
Quem utique ex solo metu in epilepsiam inci-
disse, neutiquam est dubitandum. Quae res
multis aliis adfirmatur exemplis. Sed de me-

* Cull. prael Clin.

tu pro diversa noxa habendo postmodo verba fient. Porro, in alias partes prius agendo, chemici impulsus aut irritamenta cerebrum demum adficiunt, et epilepsiam inferunt. Quorum propriam actionem, quia nescius ejus sum, explicandam, aut ipsas res dinumerandas, non putavi. Neque amplius dicendum, opinor, quam alias earum recta stimulare, alias ex toto vel magna ex parte sedare. Item aliae totum corpus, aliae solum stomachum male habendo, nocent. Totum corpus male habent exanthemata retropulsa aut ex ulceribus suppressa profluvia. Quae ideo prae caeteris epilepsiae causa existimata sunt, et per acrem materiem intus retentam obesse; quod saepe fieri concedo. Nihilo tamen incertius est, copiam non naturam retentorum, aliquando ordinis nervosi motus mutationem factam, in causa noxae esse. Copia autem agit partis adfectae tensionem, et sic universarum atque ipsius cerebri augendo. Hae vero causae quae, extra cerebrum prius agendo, deinde hoc adficiunt; id, eundem cerebro, scilicet plenum habitum, dando, effecti fere praestant; ut nihil referat, an in ipso cerebro noxa, an aliunde coepta, eoque perveniens, morbum tandem moveat.

JAMQUE, non rationibus exilibus infirmisque,

firmisque, sed fidei observationibus experimentisque apertis, probasse spero, epilepsiae sedem cerebrum, et longe illius frequentissimam originem hujus plenum turgentemve statum esse. Quae doctrina in obscura adeo morbi natura alicui ad curationem usui, spero, erit. Quippe unde disci clare possit, qua cura turgenti epilepticorum cerebri sit habitui invigilandum. Quam quidem observationem, praeter argumenta adlata, universi medicinae annales confirmabunt; ubi nonae e denis curationibus, in habitu supra comprehenso tollendo, sunt versatae; licet id non certiore aliqua morbi notitia, sed coeca et temeraria empiricorum consuetudine, eoque vix unquam sibi constante, et in contrariam medendi viam saepe deflectente, factum sit. Eandem hanc doctrinam VAN SWIETENIUS primus, sed imperfectius, proposuit. Quam deinde supra relatus vir LIEUTODIUS, sed nullo consilio, nulla causae proximae ratione habita, visis in cadaveribus illustravit.

Quo fit, ut neque ipse doctrinam in ullum usum deduxerit, neque legentes multum inde fructum percipere queant. Solus igitur, qui in clariore monumento rem posuerit, est il-

lustris imprimis vir, Praeceptor noster CULLENUS. Is, tam in praelectionibus, quas hac hieme super aegrotantes in Nosocomio, quam in iis, quas de pleniore usus medendi orbe, superiore aestate, habuit, *Caeca regens filo vestigia*; errantes per tenebras in certiolem nos tramitem deduxit; et, exemplo uno proposito, quem fructum ex visis in cadaveribus de reliquis rebus capere liceat, publico medicinae, ut semper, attentus, immo devotus, bono, ostendit.

VERUM nunc fatendum est, quae supra tradita sunt, non proximam totius morbi causam eruere; ac ne ad communem illam causam sine exceptionibus, de quibus mox est loquendum, ducere. Ideoque longe frequentissimam, sed non solam et perpetuam epilepsiae originem cerebri plenum aut turgentem habitum, posui. Nam et stimuli mechanici possunt ita vehementes esse, ut quolibet epilepsia adficiant, neque causa supra posita egeant. Quae tamen res nostrae doctrinae utilitati nihil detrahit, siquidem tales casus insanabiles sunt*.

PORRO, si qua in re effectum stimulorum mechanicorum anceps sit, iive aliter ac statuimus a-

* Cull. prael. Clin.

gant, neque id praesentem doctrinam turbat; si-
quidem ab iis quoque noxa illata immedicabi-
lis fere reperitur *. Quoties enim abscessus
cerebri inciderit, quis salutem spondeat?

POSTREMO, non celandum est, aquam, nulla
praeunte plenitudine, cerebro suffundi posse.
Quod ubi fit, ex hydropico aut caectico re-
liqui corporis aut partis alicujus habitu oritur,
hujus signis alibi adparentibus dignoscendum.
Estque is casus verus hydrocephalus internus,
conjunctus epilepsiae, omni arte major. Ve-
rum, intra has aut similes exceptiones, nihil-
dum subtilius aut ad rationes magis pertinens
proferam, quam omnes causas, quas ad illam
communem retulimus, cerebrum excitando
agere.

EXPOSITA igitur cerebri conditione, scilicet
pleno et excitato habitu, ex qua frequentissima
epilepsiae origo trahenda est, an contrarius
aut alius status eandem faciat, inquirendi jam
tempus est.

Causae callabefaciendo cerebro agentes:

CAUSAE diversae agentes nunc tractandae,

* Cull. id. ibid.

collabefaciendo * cerebro, agunt, et sunt primum cum fyncope communes; ideoque epilepsiam cito vel in mortem vel in integritatem transeuntem creant. Diuturniorem morbum ideo non dant, quia status quem inferunt diutius vita integra consistere nequit. Multa autem huiusmodi et in vita communi memorata, et in medicinae annalibus observata, quae homines epileptica quasi fyncope subito adficiunt, saepe e medio abreptos tollunt, literis sunt prodita.

QUORUM in numero subitae et magnae animi commotiones sunt, ut terror subito injectus, aut summum gaudium repentinum, aut similia; quae paralyfin, dein apoplexiam, tum fyncopem, et mortem intulerunt. Quae tamen in praesentia diuturniorem epilepsiam praecipue tractantibus, et cum aliis morbis communia vitantibus, nobis omittenda videntur.

LONGIOREM vero epilepsiam dant nonnullae animi perturbationes, qualium praecipua metus est. Hujus ratio agendi, quam alio modo

* Quid sibi velint verba *excitare* et *collabefacere*, *excitatio* aut *collapsus*, scire cupidos, ad Culleni praelectiones rationales, aut capita earum jam in omnium discipulorum manibus aliorumque, relego.

aut aliis sub rebus aliam esse diximus, ideo explicatu est difficilis. Quam utique sic explicandam duco. Metus vim potestatis nervosae cum alibi, tum praecipue in cerebro, imminuit, excitationisque minus praestat. Eandem modicus metus sedat, et pro tonico agens abnormes motus corrigit. Quo pacto major aut summus, qui modus ejus terror vulgo dicitur, agat, modo sub epileptica syncope dictum est. Idem eventu contrarius nimis vim nervosam sedando, seu excitatum statum imminuendo, ejusdem hujus renovatam et majorem actionem inferre, et sub certis rebus motus enormes excitare potest. Metus morbum renovare, quin et morbi notio renovata, et, in consuetudinem jam deductum eundem, quaelibet res praeter spem accidens, reducere potest. En exemplum illustre! quod optimus vir CULLENUS in schola se audientibus memoravit.

MULIER quaedam gravida novam stolam sibi fieri jussit, quae dum paulo diutius a sutrice aptatur, illa standi taedio in animi defectionem incidit. Idem bis tentatum eundem effectum habuit. Immo stola in conclavi postea forte conspecta defectionem reduxit; nec prius veste uti licuit, quam partus perfectus diversam corporis conditionem et potestatem utendi

utendi attulit. Forsitan similes aliquae animi
 notiones epilepsiae simulatae origo sunt; qui-
 bus motibus animum esse attentum, creditu
 difficile est. Item certus ventriculi habitus,
 qui in atonia constare videtur, facit epilepsiam.
 Cujus rei luculentum dicit testimonium GALE-
 NUS, hominem quendam toties in epilepsiam
 cecidisse, quoties tempora cibi sumenda diffe-
 rebantur. Neque quaedam ventriculo recep-
 ta minus morbum inferant. CULLENUS ipe-
 cacuanæ fumos *, alii mercurii usum †, alii
 carnem suillam ‡, alii ranunculi hortensis
 plene florentis odorem ||, alii oleum juniperi
 in nephritide adhibitum §, alii gallapae et
 scammonii resinam ¶, alii hyosciami fomen-
 tationem **, alii cicutam aquaticam ††, alii
 carbonum vapores ‡‡, et similia venena, alii cor-
 ticem Peruvianum, epilepsiae originem fuisse

* Cull. praelect. pract.

† Shenk. Lib. 100. pag. 78.

‡ Heist. anat. obs. p. 488.

|| Eph. n. e. D. ii. A. 9. et 10. ob. 92.

§ Eph. n. e. D. i. A. 2. obs. 8.

¶ Av. ob. 162.

** N. e. D. 2. A. 1. ob. 135.

†† Eph. N. C. D. ii. A. 6. 225. Webber. hist.

‡‡ Hoff. tom. 3. p. 13.

commemorant : Quae partim in ventriculum, partim latius in corpus agendo, nocere videntur.

NEQUE ii audiendi sunt, qui mercurii noxam in ipso eo ad cerebrum perlato positam existimant. Quia et ratio ejus sic agendi explicatu difficilis est, et talium epilepsiarum per electricitatem curatio semimetallum non tam ipsum cerebrum protinus, quam totum corpus latius movendo, agere significat. Venenum variolosum, epilepsiam faciens, bonum signum esse creditur. Quod pro stimulo forsitan agere, ideoque non ad hanc causarum divisionem pertinere, videatur. Verum, virus variolosum, mobilitatem et laxitatem toti corpori dando, plus prodesse, quam vi venenosa obesse, et facultatem perniciosam a medicatrice facile compensari, multo verisimilius est.

RESTAT alia epilepsiae causa, scilicet aura epileptica, saepius ab extremis artubus ad cerebrum, quam ab hoc ad illos perveniens, id quod partes inter extrema et caput circumligatae accessionem prohibentes, et nervi contra irritatio eam reducens, probant. Quae causa, quoties recta a stimulo oritur, excitando agere, et ab hac causarum classe aliena esse videtur. Contra eadem ad cerebrum perducta,
et

et sensus extinguens, illius collapsum faciendū, forsitan agit.

POSTREMO causa ad hunc locum pertinens, cerebri compressio est. Eadem saepe apoplexiam aut paralyfin facit, quae ideo toties epilepsiam sequuntur, aut simul cum ea incidunt, quippe quibus in omnibus morbis eadem in cerebro inciso cerni soleant. Quod autem hic aut ille morbis fiat, a diverso quasi collapsus gradu pendet. Nam apoplexia et paralyfis, toties epilepsiam sequentes aut comitantes, suspicionem creant, epilepsiam a minore collapsu renovatam excitationem recipiente, illas a majore collapsu novam excitationem magis respuente, oriri. Ante dictum est, epilepsiam ab habitu inflammationis aut haemorrhagico plerumque innasci. Verum, quoties apoplexiam hydropicam praecedit epilepsia, toties haec a cerebri collapsu nasci putanda est.

Semina seu causae proegumenae.

CAUSA morbi periculum praecipue faciens est mobilitas. Qui facillime spe elewantur aut metu deprimuntur, qui in gaudium aut iram proni prae caeteris sunt, aut subita quaque

que animi perturbatione commoventur, eos magna animi mobilitate esse dicimus, et cerebri habitum huic respondere, quod unoquoque impulsu unaquaque tensionis mutatione facile adficiatur, judicamus. Quae mobilitas, singulorum motuum instar, qui usu et consuetudine faciliores fiunt, consuetudine augetur, et consueta tandem ac quasi naturalis evadit. Hinc quoque epilepsia simulata. Hanc mobilitatem subitus quisque animi motus facit, factam auget. Utque natura magis salutis nostrae quam voluptati consuluit, ita metui magis quam gaudio sumus opportuni. Itaque nihil metu potentius ad amplas cerebri oscillationes dandas, seu mobilitatem hanc faciendam, et factam augendam, reperitur.

EODEM certi voluptatis sensus pertinent, quae praecipue in certis titillationis modis consistit. Quin et, cerebri et nervorum motus in talibus oscillationibus constare, nihil certius probat, quam quod unaquaeque titillatio motus convellentes, ejusdem summa vis justam epilepsiam, creant. Summa autem illa titillatio, qualis venerea voluptas est, mobilitatem, de qua loquimur, imprimis auget; aucta mobilitas acutum magis voluptatis sen-

sum et desiderium creat. Quod voluptatis effectum in excitando cerebri actionem consistit, et doctrinam nostram de excitatione, ut praecipua epilepsiae causa, confirmat. Sed et eadem res alterum effectum trahit, et alterum de ejusdem morbi causa opinionem nostram illustrat. Unaquaeque excitatio collapsus occasionem dat; id quod ARISTOTELIS celebre dictum,

Omne animal post coitum triste,

docentis, et HOGARTHI pictura ridicula, quam Post et Ante inscripsit, item vox vulgaris effoeminari viros mulierum consuetudine significans, ostendunt. Porro, cum omne debilitatis, mobilitatis quoque, exemplum sit, ita voluptas, debilitando, mobilitatem simul infert. Hinc venus frequentissima epilepsiae causa. Quinetiam epilepsia saepius repetens ejusdem mobilitatis, ac proinde sui ipsius, causa potens evadit.

Cujus mobilitatis, quo adcuratius eam et proximam causam illustrem, hae causae subesse videntur: Primum, fibrarum debilitas, id quod tenerarum aetatum exempla explanant, quae primo quoque tempore maxime mobiles, prout adolescunt minus usque, fiunt; dein eadem fibrarum

brarum seu flaminum nostrorum debilis aut diversa conditio potest diversam quoque humoris nervosi conditionem, puta meabilitatem nimiam, indere. Quam quaestionem, ne subtilia persequi videar, omittendam, et res considerandas, judico. Porro, cum eadem hac fibrarum debilitate, mobilitatem auget tensionis sive excessus sive defectus; scilicet, quemadmodum chorda elastica, quo magis intensa, eo graviore vi aut pondere in majus intenditur; ita certus tensionis modus debitum robur fibris nostris addit, quae contra, majore justo tensione distractae, largiores justo oscillationes, resolutione facta, peragunt. Idque exercitatio, calor, ebrietas; epilepsiae frequentissima occasio, comprobant. Quam resolutionem crebro fieri necesse est, siquidem tensio illa, quae ex copia et impetu humorum pendet, crebram resolutionem recipit. Quae omnia eo spectant, ut plenus habitus praecipua mobilitatis origo sit; primum quia idem unamquamque fibram nimis intendit; dein quia cerebri tensio a vasorum tensione magna ex parte pendet. Somnus quoque periculum morbi facit. Ita DU HAENUS puericatum tradit, in epilepsiam ex solo somno incidere consueti. Cui contra rectus corporis habitus somnusque interdum propulsus semper levamini,

levamini, et ex ejus rei ratione tracta ingeniosa medici ars, salutis ex toto fuerunt. Cujus rei ratione cum MORGAGNIO ita explicandum judico; scilicet, per somnum corpore etiam recto, certiusque usque supino, sanguis ad caput congeritur. Fieri que potest, ut vigilia, inter alias causas, huic naturaliter debeatur.

NOVISSIMA causa incerti operis est, scilicet vis siderata. Nam lunae quasdam phases, praesertim solis vi adjuncta, epilepsiam constat fecisse. Sed quomodo id fiat incertum est. Nulla enim aëris mutatio coelestium corporum circuitus comitari percipitur. Quocirca dictu difficilius est, vasa sanguifera an nervorum naturam moveant; nisi quod hoc convenire videtur, coelestium corporum commutationes quasdam alios morbos, qualis apoplexia est, vasa cerebri turgida reddendo, facere. Unde sequi videatur, illorum vim in vasa sanguifera verti. Quo tamen magis verisimile est, cum animalium nervorum natura, in manifestis circuitibus coelestium meatuum constet, eam quandam cum iis adfinitatem habere, iisque tam in secunda quam in adversa valetudine commoveri *. Cujus utique rei rationem, in longas explicationes ducturam, nos, discendi cupidos, ad CULLENI nostri praelectiones, de

* Cull. prael. clin.

de nervosi generis circuitibus, ad HIPPOCRATIS et antiquorum de diebus judicatoriis, item CLEGHORNII de insulae Minorcae morbis, observationes relego.

RATIO CURANDI.

Sic adfectibus, causis, et natura morbi expositis, ad curationem jam transeundum est. Ha autem in quatuor partes redire apte videtur. Prima est plenum corporis habitum solvere; deinde corporis mobilitatem tollere; tum potestates nocentes cavere; postremo, in certis casibus debilitatem ejusdem remove, et corpus roborare.

Quod ad primum consilium medendi attinet; non solum plenus corporis totius habitus, sed praecipue humor, five sine inflammatione seu cum ea, ad caput congestus, subtrahendus cum cura est. Quod, quoties fieri potuerit, efficacissimum ad salutem erit. Cui consilio sanguinis detractio, alvi purgatio, fonticuli et inedia, respondent.

SANGUINIS detractio, quod dolendum imprimis est, anceps est remedium. Nam, licet primo effectum levamini est, tamen, in consuetudinem deducta, malum, contra quod paratum fuerit, auget, et pleniorum usque habitum

bitum creat. Ergo, quando eo opus remedio est, quod utique in omni epilepsia in turgente cerebro posita nunquam est omittendum, quam maxima copia vitalis humoris projici debebit, contraque caveri a consuetudine exiguae copiae, sed saepius mittendi. Magna enim sanguinis jactura diu non reparatur; modica ejusdem copia saepius demi consueta plus usque gignit. Id quod mos vitulorum, gulae causa implendorum, inter alia plurima, addocet. Neque id, quod in proverbio ipsi vulgo est, scilicet, Quo saepius sanguis detrahitur, eo obefiores homines reddi, non etiam confirmat.

IDEM vasis circa caput sive venis sive arteriis detractus antiquitus est; quod non sine ratione fieri recentiora exempla confirmarunt *. Sanguis pedibus ademptus, mulieribus gravidis auxilio saepe fuit †. Postremo, unum alicubi praeceptum video, sanguinis detractionem non ad animi usque defectionem, sive copia sive incuria id faciat, esse persequendam, ne accessio sic excitetur ‡. Cumque alii homines plus, alii minus, sanguinis ademptum ferant, cautio Culleniana op-

* Van Swiet. tom. 3. p. 441.

† Hoff. tom. 3. p. 15. 17.

‡ Araet. lib. 2. p. 128.

tima est, ut ille eousque dematur, “*dum vires
“facile ferant.”*

Fonticuli autem et fetacea, quae dicuntur, praecipuum inter plenum habitum immi-
nuerentia locum obtinent. Neque ob aliam
rationem non etiam auxilio esse videntur.
Nam, humores usque ad partem ubi sunt at-
trahendo, a cerebro simul revocant, et quo-
minus hoc turgescere persistet prohibent*.

Quod ad alvum purgantia attinet, non ea-
dem cura iis ac sanguinis detractiōni mode-
randi opus est. Neque enim plenitudinis
periculum eventu pariter adferunt. Solum-
que metuendum, ita ac in rebus omnibus,
perpetuum hoc est, ut ne quid nimis. Nimia
enim alvi purgatio corpus debilitare potest,
quae aliquando epilepsiae, ut ante est mon-
stratum, origo est. Verum in longe plurimis
casibus, quos in plenitudine de qua hic agitur
positos usque dictum est, larga alvi purgatio
prodest†. Neque ea non semper quam mol-
lissima servanda est.

Atque haec omnia humores detrahentia,
praeter demptum cerebri aut totius corporis
plenum habitum, in morbo qui saepe a cerebri
vitio immedicabili pendeat, usui eo reperi-

* Cull et alii.

† Cull. prael. Clin.

untur, quod noxa qua cerebrum turgescit illis saepe lenitur. Itaque homini cuidam, cui ossa in cerebro reperta sunt, sanguis ademptus semper prodesse dictus est.

QUIBUS utique auxiliis inedia haud paulo potentior est*; quippe quae longe plurimos juvet. Id quod illustri exemplo TAYLERUS medicus Croydenensis expertus est; quem, inedia diu epilepsiae ereptum, ad plenum victum, cui prius assueverat, reditus sustulit e medio.

VERUM, ut morbus non semper in cerebri solius vitio, sed in habitu quodam cum hujus tum universi generis nervosi latius saepe constet; ita ejus rei causa, secundum medendi consilium, considerandum est. Is habitus sic latius nervos adficiens mobilitas est; cujus variae causae sunt. Nam, quia cerebri turgorem epilepsia non semper sequitur, atque etiam aliquando sine eo incidit, ut ideo alius habitus, sive cum turgore seu sine eo, morbo subsit, necesse est. Ergo mobilitatem tollunt primum antispasmodica, dein tonica medicamenta; nec eodem pertinens vivendi ratio omittenda est.

Ex antispasmodicorum numero sunt, camphora, oleum animale, moschus, aether, valeriana, peonium, opium, hyoscyamus. Quae,

* Lieut. et Cull.

quo modo agant vix ratione conceptum est, nisi quod in nervos agere, et mobiles habitus firmare videntur. Quae ignorantia quo minus mira videatur, fatendum est qua in re quaecumque nervorum aut humoris mobilitas, in quam agant, consistat, etiam obscurum esse. Quod si multa eorum quotidie nihil aut parum in epilepsia agere dicuntur et comperiuntur, id fieri quidem potest ob idoneam ea administrandi rationem nescitam; sed magis quia idoneo tempore aut copia non dantur; et magis etiam, quia morbus adversus quem adhibentur saepe immedicabilis est. Veri autem simile est, quicquid possint, id solum aut praecipue praesente morbo posse, et hunc ante aut post, ideo inutilia esse, quia facultas qua agunt perquam brevis et fugax est. Quocirca eorum usus accessionis tempori accommodandus videtur. Nam hora ante accessionem efficacia esse, die ante nihil efficere, saepenumero nunc compertum est *. Quin et praeterquam quod effectus eorum aliquo ab accessione temporis intervallo datorum perit, eundem multum imminuit, ac tandem inutilem, nisi maxima ideoque incommoda copia datur, saepius dandi consuetudo reddit. Sic enim medica-

* Cull. prael. clin.

menti vis fugax prius extinguatur, quam spasmus ea tollendus suboriatur. Itaque venerabilis, de quo toties locuti sumus, praeceptor noster CULLENUS, nisi prope accessionem aut in ipsa hac, illud medicamentorum genus fere semper omittit. Ob quam causam obscurum esse nequit, quoties incertis circuitibus morbus repetit, antispasmodica nihil valere.

CAMPHORA, quae alias parum potens reperiata est, adversus spasmum praesentem saepe potenter agit. Oleum animale multum nec injuria forsitan adversus spasmos epilepticos et similes laudatum est. Quod si medicamenta, quae in nervosam naturam agunt, prae caeteris odorata et volatilia sunt, quod non verisimile non est, hoc adversus epilepsiam plurimum valiturum suadet ratio. Neque rationi etiam experientia repugnat. Utque febribus intermittentibus, ita, opinor, epilepsiae occurret. Moschi virtus, quoties satis purus parari potest, satis jam confirmata usu est.

AETHER, ob volatilem et penetrabilem ejus naturam solus haud inefficax, cum moscho conjunctus haud spernendo auxilio est. Laudantur et valeriana ac peonium, sed nobis nesciuntur.

OPIMUM ab aliis in epilepsiae curatione rejectum duo viri DU HAENIUS et magnus MOR-

GAGNUS commendant. Quod utique anceps est in hoc morbo remedium; nam ut ab altera parte inebrians ejus vis sanguinem ad cerebrum citat, et magna copia datum debilitatem cum irritabilitate in corpore relinquit, et sic nocere periclitatur; ita ab altera mobilitatem nervosam, et humoris nervosi meabilitatem, in qua spasmi positi sunt, imminuendo, prodesse potest.

OPIO consimili natura hyoscyamus est, a quo solum discrepat, quod alvum non ita ac opium adstrictam relinquit. Quem tamen STORKIUS bonum in epilepsia esse, nec, ut videtur, sine justa causa praedicat. Verum iis omnibus antispasmodicis haud paulo adversus epilepticam mobilitatem potentiora tonica constat.

QUAE praecipue respondent adstringentem vim possidere videntur; qualia sunt e plantarum genere, item e metallis parata; quin et frigidam lavationem, et metum similiter agere, aut idem praestare effecti, verisimile est. Ex plantarum natura quaedam simpliciter magis adstringunt, qualis viscus quercinus est. Is, propria sibi vi, quam specificam nominant, adversus epilepsiam agere superstitiose creditus est. Neque aliquando adstringens ejus natura non prodesse non potest. Qui tamen frustra

frustra saepe, teste CULLENO, adhibitus est: Ac neque ei neque aliis pure adstringentibus, quippe quorum usum experientia non firmit, multum confidendum est. Quibus igitur multo magis cortici Peruviano insisti solet. Neque is alioquin tam pleno habitui, quam mobilitati nervosae tollendae, accommodatur. Nam habitibus profluviosis, aut cum inflammationis periculo conjunctis, ille manifesto obest. Abstinendum igitur eo in ea corporis plenitudine est, quae, sanguine ad caput percitato, effusionis aut inflammationis creat periculum. Sed quia plenitudo in qua epilepsia plerumque posita est, non saepe profluvium aut inflammationem minatur, id quod sanguis, in convulsionibus dissolutus, licet extra has inflammationis notam praeferens, ostendit; ergo nihil obstat, quo minus cortex Peruvianus, pleno habitu remediis memoratis jam sublato, contra mobilitatem cum fructu usurpetur*. Qui fructus, cum effectus hujus remedii minus diuturnus sit, nisi in morbo certis circuitibus redeunte, optimus non erit. In circuitibus idoneo tempore dandi ejus facultas permittitur. Postremo, quoniam ejusdem

* Cull. prael. pract.

usus diuturnior ab arthritide alienus est *, ab epilepsia etiam potest; saltem ejus assumendi consuetudo laedere ventriculum, ut alibi saepe, ita hic periclitatur.

E metallis adstringentia parata, quanto potentiora tonica sunt, tanto et periculosiora. Arsenicum epilepsiae, pariter et febribus intermittentibus, remedio est. Multa etiam de tonica nonnullorum e stanno confectorum virtute praedicata sunt. Cui similem fore plumbeorum virtutem rationis similitudo suadet.

QUORUM omnium tantum habet periculi virtus, ut eam qui experiatur vix quisquam satis audax repertus sit. Neque e cupro paratorum, quae sola et prospere interdum adhibentur, nisi effectus optatus citius sequitur, diuturnior usus tutus est. Quorum tamen delectus quidam habendus est. VAN SWIETENIUS unum momorat quod corpus, ventriculo adfectus experte, movit. Quod quomodo paretur neque is neque nos novimus. Verum cum eorundem medicamentorum vis emetica tonicae obstat, ea quae minime illam praestant, reliquis anteponantur.

* Id. ibid.

Hic cuprum, quia cum sale neutro mitiorem medicinam, quam cum acido conjunctum, edit; ideo cum sale ammoniaco, nomine cupri ammoniaci, componitur. Pro quo, quia an multo reliquis aliter paratis praestet incertum est, si quando praesto non est, illa adhibere licebit.

FRIGIDAM lavationem, cum alii multi, tum CULLENUS noster, validum adversus epilepsiam auxilium esse, et mobilitatem quamlibet auferre, testantur. Metus quoque, saltem eventu, tonicis adnumerandus est. Nam licet reliqua in nervos agere, et horum motum sedare, ideoque firmare verisimile sit, is ipsius cerebri actionem reprimere et collapsu faciendo actionibus nervosis firmitudinem dare videtur. Non tamen subitus metus, qualis terror dicatur, id facit, sed metuedi consuetudo seu formido aut reverentia. Cujus effectus eo validior est, quod diuturnus agere non desinit. Idem in convulsionibus, ubi sensus non pereunt, quam in justa epilepsia, ubi ex improvviso accessio incidit, melior reperitur; optimum auxilium! nisi quod et toleratu durum et administratu difficile sit.

III. QUOD ad tertium medendi consilium attinet; licet morbi sedem vel primo vel post
alius

alius partis labem eo translatam, cerebrum esse dixerim; tamen nihil verisimilius est, quam cerebri fixum aut diuturnius vitium non semper esse causam. Contra, is nervorum latius habitus, quem mobilitatem diximus, potest talis esse, qualis, sine priore alio quam consimili cerebri vitio, morbum concitare queat; cui casui remedio sunt mobilitatis occasiones devitatae. Itaque, si talem mobilem habitum intercidendi erit potestas, morbus vel sanabitur, vel saltem levabitur. Ergo, si mira illa animi vis imitatrix in culpa est, epileptici, qui communi domo utuntur, inter se segregandi sunt. Item subitus quisque aut validus impulsus, ut patefactae nec opinanter januae stridor, intrantiumque adventus improvisus, cavendus est. Item omnia quae sanguinem ad caput percitant, ut calor quilibet nimius, motus vehemens, crapula, satietas, terror, vitanda. Nec non omnes vertiginis causae, ut loci praecipitis despectus, et rerum celeriter in orbem circumrotatarum conspectus. Denique, qui partim ad caput sanguinem percitat, partim imbecillitatem creat, concubitui, qua licet aut fieri possit, parcatur.

Ex variis autem impulsibus, nullus strepitu magis dat epilepsiam. Ante omnia autem,
cum

cum mobilitati corporum epilepticorum animi quoque, ut dictum est, mobilitas respondeat; ergo commotiones animi omnes repentinae aut vehementes fugiantur. Quaedam mulier, ut nos certiores fecit CULLENUS, aliquin recta intuens, ignotos, retortis oculis, excito animo, semper adspexit.

IV. UT ad postremam curationis partem progrediar; corporis debilitatem tollunt, idque roborant, secundo consilio, scilicet tonica, respondentia. Verum, ut haecenus fere de pleno corporis et cerebri turgente habitu, ut causa, et humoris detractio ut remedio, locutus sum; cum contrarius, ut jam plus semel praemonstratum est, scilicet inanis habitus aut tensio deficiens, aliquando epilepsiam faciat, quaedam, quae vasa ubique adimpleant, illis contraria, jam memoranda sunt. Illorum praecipua aut sola sunt victus ratio, aëris delectus, consuetudinis administratio, aetatis venientis effectus; et si qua alia, hujusmodi sunt. Ergo, ex hac causa laborantibus, cibus plenior permittatur; qualis e carne et quam maxime alente materia est. Vinum generosum detur, neque ad ebrietatem, sed quantulum, sine irritatione mobilitatis genetrice, corpus impleat alatque. Idque quam maxime ab acescente natura alienum et quam blandissimum sit. Somni tempora

pora media sint, qui ejus modus, teste CELSO, neque renuente experientia, corpori replendo adcommodatissimus est. Siquidem, ut ille ait, quicquid nimium ab utraque parte in somno est, sive justo longius sive brevius, corpora attenuat. Coeli temperies modica, sed potius in frigus inclinans, his de quibus sermo est convenit. Nam calor omnis inanes et imbecillos in majus extenuat debilitatque. Vitandum quoque humidum omne coelum est. Exercitatio viribus apta, quaeque cibi desiderium acuat, nulla vitetur; neque ullum melius praeceptum novi. Quibus imbecillus observationibus non pro tempore insistat, sed tamdiu dum ad corpus robur debitum integra valetudine redierit, et omne morbi periculum decesserit, assuescat. Quod cum alias faciendum, tum maxime, si morbi mora pravo habitui adfectum assuefecerit. Nam talis assuetudo, nisi contraria assuetudine, haud temere superabilis est. Itaque epilepticus quidam, qui complures annos tenui victu se frustra continuerat, cum pleniori iterum se tradidisset, multum, CULLENO teste, levatus est. Neque mora aut diuturnitas sola, sed et vis morbi pravo conflictantes habitu adficit. Cui igitur habitus in contrariam partem reclinatus auxi-

lio est. Quod tamen, nisi vivendi ratione, aëris genere, et ipso quasi corpore penitus commutatis, fieri fere nequit *. Quod dictum non testimonia solum, quae multa sunt, sed et communis experientia aliunde etiam firmat. Nam quos aetate teneros epilepsia exercuerit, eos euntes anni et pubertatis magna mutatio morbo saepe liberat.

ABSOLUTA jam qua potui hac disputatione, summi beneficii, doctrinae acceptae, immemor et ingratus forem, nisi a CULLENO optimas et limatissimas hujus disputationis partes acceptas, maculasque, mendas, errores, et si qua rudiore arte aut ineptiore tractata sint, mea esse faterer. Cui, ut et reliquis praeceptoribus meis, ob utilem disciplinae fructum, quem ex eorum laboribus capiendi mihi potestas fuit, et praeteris Doctissimo HOMIO, qui his beneficiis suam addere amicitiam non est dedignatus, ex animo gratias ago.

* Boer. d. M. N. tom. 2. p. 821. Hippoc. aph. sect. 2. 45.

F I N I S.